


友鷗堂集

二



文淵堂集

1222-945
2

友鷗堂集 (清) 黃鶯來撰

上海古籍出版社出版

(上海紹興路五號)

上海市印刷七廠印刷

新華書店上海發行所發行

各地新華書店經售

一九七九年十一月第一次印刷

開本：六一〇乘一三七二毫米十二分之一

印張：三三又三分之二 印數：一——一五〇〇部

統一書號：一〇一八六·一四五 全二冊 線裝本定價：十元

友鷗堂集

七言律

九日登高

春日送宗鍾岱之吳門

秋日湖邨即事有感二首

泗上浮橋新成

秋日送叔鼎家兄回閩

龍興寺二首

都梁秋興二首

春日過程天渠城西草堂即事

湖村九日

寒食水次

中秋前二日送夏潤卿還潤州

贈戚笑門

先春亭

迴瀾閣

鴛湖

夾城

一字河

浮橋

朝闕樓

普照寺浮屠

開元寺

楊柳風上平山堂作

過李嵩菴別業賦贈

秋日寄淮陰張與昭

下龜山

呈李英文先生

秋日送陳仁甫還閩

秋日湖邨感懷和戚笑門韻九首

贈張四明西

秋夢和韻

贈張明宗

瀋陽夏日同諸公郊園讌集

瀋陽秋日得家問寄懷胡漫園明府二首

雜興廿首

舟中即事和王景州韻二首

文選樓懷古

過仙霞關次張四明西韻

山行即事次明西韻

春日集玉尺山堂看綠萼梅二首

三月十九日風雨有感

秋日喜得明西札走筆賦寄並索和什

元日

二日雨中作

夏日集雙榕堂即事分賦得昏字

人日集于山草堂看梅花

冬日遊西山碧雲香山寺玉皇頂諸勝即事有感

沅江九日賦得重陽不見菊花開用爲起句

宮扇

和王方若春日贈別原韻四首

淮陰夏日得毛德鄰寄來衡州書問即和其乞假奉母歸里畱別都中親友

原韻二首

淮陰秋日得吳寶崖寄詩值余有吳門之役依韻裁答三首

次楊又東送別原韻

將抵贛州舟中有懷盧天一即次其前送別原韻

贈翁羅軒學使四首

聞羅軒學使同諸公遊南海神廟五首

冬日感懷六首

贈方鶴洲三首

羊城雜詠五首

贈姚君山六首

別紫騾詩爲張虎文賦二首

羊城夏日喜晤吳子東兼送其歸樵李叙懷感別和杜秋興韻八首

哭趙來夫和其重遊華首臺原韻七首

別塵公七首

曉起登舟歸羊城拜別趙來夫食龍前潸然有感五首

和何三梅溪新柳原韻二首

韶陽除夕書懷二首

元日書懷二首

和林潤玉立春原韻二首

人日

苦筍

和林潤玉錦邊蓮詠十一首

韶陽除夕同諸友守歲

詠黃牡丹十二首

陳青庭以螢火詩遠寄索和次韻十二首

夏日送何文侯之秦

中秋兩

何梅溪以白牡丹二本持供丹霞與林潤玉賦詩送之余見其草亦賦一首
許蒼嵐以秋日雜詠詩索和依韻答之三首

和姚非漁午日見懷原韻二首

九江除夕即事

苦雨

雨後雪有感

詠荳腐

潯陽夏日喜晤徐竺村感事述懷並送之衡州十二首

秋日同諸同人小集陶白祠即事漫賦

正陽署中冬日雜感七首

冬懷四首

歲暮雜感十首

和費二滋衡喜晤韻二首

與張愛吾

吳興春日同林秋水陳壽侯錢瑞菴泛舟出郭遊道場山即事漫賦
送春日同錢瑞菴泛舟遊白雀寺二首

期林秋水陳壽侯同遊白雀寺不果赴悵然賦東

西湖春遊雜詠三首

拜岳忠武王墓二首

拜于忠肅公墓

武林秋日送薄勺庭太史典試還朝並致玉堂諸公三首

會稽莫春徐漫叟招同諸公社集前冢宰商公州堂賦得堂開圖書

和江洛符見贈原韻二首

冬雪和姚考祥韻

春雪

和張困齋見寄原韻二首

和困齋喜晤原韻六首

和困齋夜談原韻

喜晤張謙齋四首

喜晤郭勁艸八首

喜晤張愛吾六首

寄懷呂大風六首

寄懷張遜齋六首

寄懷方昌彥四首

喜晤沈青山並送之蘭州任五首

雪中雜詠五首

送張孝永回開封定省自楚至粵六首

丙申元旦和困齋韻二首

無題四首

秋日喜晤劉巖遇即送入蜀四首

友鷗堂集卷四

閩縣黃鶯來叔威著

九日登高

憑高一望午煙收
空翠澄涵遠
連袂登臨
明岸脚
路迴紅葉出峰頭
茱萸不載遊
山酒鴻鴈偏生
故國愁
卻笑晉人徒好事
只將落帽博風流

春日送宗鍾岱之吳門

春風送客動離愁
路出蒼江是勝遊
斜月聽鶯青柳岸
亂花移棹綠蘋洲
越來溪冷殘煙起
響屨廊空暮靄浮
弔古獨憐無限意
知君端欲買吳鉤

秋日湖邨即事有感

平沙落日大湖濱
客邸蕭條舊業貧
粟里未能成隱計
桃源空欲避秦人
三秋風雨銅駝淚
百戰山川鐵馬塵
財賦江淮惟赤土
東南還事轉輸頻

西風殘葉動山阿
夢裏驚聞朔鴈過
楚岸千帆趨汴水
黃流百丈漫淮河
杞人強效憂天語
壯士聊爲斫地歌
幾處寒郊傳牧馬
羽林何日罷琱戈

泗上浮橋新成

千里淮流暎遠空
臨波只讓白雲通
誰將鐵鎖沉秋影
宛見銀虹臥水中
漢使樓船虛涉險
秦人鞭石有何功

無才不敢同題柱，獨對漁燈立晚風。

秋日送叔鼎家兄回閩

沙明煙白蓼花殘，八月平湖更渺漫。
客路風塵容鬢改，異鄉兄弟別離難。
蟬聲欲老辭高樹，鴈陣橫空下遠灘。
知到武夷秋正好，紫藤深護漢時壇。

龍興寺

寺顏猶復紀龍興，碧瓦雕甍半已崩。
風雨荒涼悲過客，晨星歷落剩殘僧。
石鱗歲久沉階甃，鐵鳳苔深沒殿稜。
莫訝珠宮桑海變，一抔今見取長陵。

荒垣一帶閉斜曛，法從朱幡久不聞。
鐘鼓聲空行殿月，

松杉影靜講臺雲
蝸牛遍篆亭中碣
龍鳳虛藏日角文
惟有殘花畱國色
春時車馬尚紛紜

都梁秋興

西風瑟瑟度河濱
遍野鴻聲不可聞
宿艸已荒臧質壘
寒花虛發楚王墳
千家搗練明秋月
獨客登樓對暮雲
故國歸期何日是
天涯兄弟惜離羣

連峰西畔舊新豐
佳氣當年更鬱蔥
一代雄圖空艸露
萬山松栝自秋風
落霞挂樹猶餘紫
遠水浮紗已斷紅
過客何因問形勝
居人指點說遺踪

春日過程天渠城西艸堂即事

雨歇芳原萬綠齊，輕雲相逐過城西。
艸堂直背僊人水，花徑深生隱士泥。
談接酉陽疏舊得，案藏丁卯出新題。
東風何事催歸急，一棹斜暉出柳堤。

湖村九日

無處登高坐水涯，滿湖寒色帶蒹葭。
一年難得三秋節，兩鬢還簪九日花。
深樹雲來山漸暝，孤城雨過鴈初斜。
詩成恰喜催租少，新擘瑤箋簇絳霞。

寒食水次

十里平沙草吐芽，江村寒食柳枝斜。
貧家此日真無火，野徑連朝尚有花。
綺陌玉鞍嘶去馬，錦幃金鈿鬪回車。

水邊獨立東風久半面青山屋角遮

中秋前二日送夏潤卿還潤州

勝遊不作中秋去文酒淮南負此畱竹榻清風虛夜夢
艸堂新樹攪離愁天青蜃氣涵沙尾野白鴻聲落渡頭
回首故交嗟漸少月華依舊照江樓

贈戚笑門

年少曾驚手八叉倒迴銀漢挽星槎人傳諸葛真名士
詩入開元本大家竹徑月香浮麴蘖琴牀風細拂桐花
何時臨得鷺羣帖寫遍春城絳雪紗

先春亭

亭有歐陽
文忠碑記

先春亭子荒城側蕭灑層欄向雉齊一水紅分花內外
兩山青出柳東西廉君當日勤爲政詞客來時恐易迷
細讀歐公碑上記古苔班駁愧畱題

迴瀾閣

河流此日望迴瀾傑閣凭高縱大觀峰影倒波沉藻黑
煙光夾岸點楓丹包茅久絕湖湘貢驛馬難銷溟滓寬
自昔爲魚曾有歎願聞山澤鑄神姦

鴛湖

瑟瑟蘆花間棹聲鴛湖湖畔晚漁行櫓搖星上銀河動
月暎波中素練明山影暗遮鷗鷺宿風頭欲趁鯉魚生